

Wien, Österreichische Nationalbibliothek (ÖNB), Cod. 1611

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

1055

C O D I C E S

1056

Vien. Ep. Collegio suo ad D. Nicolaum donatus, continet PP. Sententias cum de Rebus dogmaticis, tum de moralibus lectas nullo certo materiae ordine. Initium fit a conciliatione quorundam Pauli locorum cum aliis Scripturae effatis. Ita: *Paulus Servus Ihesu Christi. Et in euangelio: Non dico uos seruos sed amicos. Et in alio loco dicitur Serui inutiles sumus &c. et iterum Beatus ille seruus &c. Quid est quod magister christus apostolos non dixerit seruos sed amicos et eiusdem magistri discipulus immo apostolus in quo christus loquebatur nominauit se seruum?* Et tunc sequitur *Solutio*. Praenotatur fol. praeced. manu, ut videtur, Job. Alex. Brassicani: *Antilegomena S. Pauli. Hippolyti interprete Epiphano*. Verum quis *Hippolytus* iste, quis *Epiphanius*? Fol. 11. p. 2. tanquam deus ex machina comparet Abjuratio Berengarii Turon. facta in Concilio Rom. a. 1079. prout quidem extat in *Adis* apud *Labbeum* T. XII. apud *Harduinum* T. VI. P. 1. verum inter verba: *ulterius docebo, et Sic me deus adiuvet &c.* interjecta sunt haec: *neque dubitabo, excepta causâ reducendi ad uiam ueritatis qui per meam doctrinam ab fidem recesserunt, aut exponendi fidem, quam haec tenui, his qui me interrogauerint; quae non alibi me legere memini*. Fol. 15. Pontificum Rom. quorum Patres Episcopi, Sacerdotes, aut Diaconi fuere, Indiculus texitur. Fol. 22. inter Maleficorum species *Salsatores* memorantur, qui ex sal-

tibus (palpitationibus, spasmis involuntariis, παλμοῖς) membrorum futura perpendunt; quorum mentio apud *Augustinum* et *Isidorum*, alludentibus *Theocrito* et *Plauto*. Denique fol. 54. Schemata Alphabeti graeci et hebraici cum valore literarum numerali e *Rab. Mauro* inserta sunt, jam alibi non semel indicata. Codicum ejusmodi usus esse possit is, ut PP. loca cum Editis contendantur.

CCCCXLIII.

Codex membraneus lat. Sec. R. 38 XIV. Folior. 379. f. min. per duas columnas charactere luculento, satis exoticō, multisque vocum compendiis exaratus, minio distinctus, olimque, ut praenotatur, *Collegij christi*, quod, nescio, an *Cantabrigiense*, an *Strigoniense* dicam, hujusmodi rubro insignitur: *Incipit manipulus florum siue extractiones originalium editus a magistro thoma de hybernia quondam socio de sorbona. Αὐθολογία sacris Oratoribus opportuna, multisque editionibus nota, quarum princeps Placentiae per Jac. de tyela almanum 1483. f. min. mihi adjacet. Autor neque Franciscanis, quod praefert Editio Veneta per Job. Rubeum Vercellens. Sec. XV. f. a 4. respuit vero Quetifus in Scriptt. O. P. accensendus, ex Hibernia oriundus, et a quibusdam, absque Codicum tamen testimonio, Palmeranus, Palmerstonus cognominatus, in confiniis Sec. XIII. et XIV.*

Wien, Österreichische Nationalbibliothek (ÖNB), Cod. 1611

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

1057

P A T R I S T I C I.

1058

XIV. vixit. Opus nostrum ante annum 1306. compilavit, ut e dicendis facile erues. An vero id inchoaverit Job. Gualensis O. M. et Thomas noster perfecerit, ut vult e Codice Coll. Lincoln. Oxon. Tannerus Bibl. Brit. Hib. p. 570. non ita evictum est. Hallucinatus est idem, dum adserit, *Thomae Manipulum Libris II. constare*, quorum Prioris Praefatio incipiat: *Abiit in agrum et collegit spicas &c.* alterius vero: *Bonum est in cibo cum gratiarum &c.* Sola enim Praefatio est: *Abiit in agrum &c.* Alterum: *Bonum est &c.* initium ipsius Operis, five Tituli I. de *Abstinentia*. De ipsa porro Praefatione mirum, haberi eam in vetustissimis Editionibus, in recentioribus deesse, ut in *Veneta* 1550. 8. min. et ipsa *Vindobonensi* 1736. 8. Enumerat in ea Thomas Autores sacros et profanos, quos excerpit saepius, atque hos inter in Edit. *Placentina* suprac. *Caesarium* desiderari, *Anselmum* in *Aurelium* corruptum esse video. Ait praeterea in illa Autor: *Istorum autem auctorum libros quantum ad principia et fines et nomina et partialium librorum numerum in fine buius operis signavi, ut facilius possint cognosci et securius allegari.* Et en tibi *Tannerum* iterum, qui l. cit. ex isthoc Indice distinctum *Libellum de scriptoribus ecclesiasticis eorumque scriptis* creat. Ad calcem *Manipuli* Codex noster: *Hoc opus est compilatum a Magistro thoma de ybernia quondam socio de serbona. Explicit manipulus florum. deo gratias.* Tum *Denis Codd. Theol. V. II. P. I.*

Elenchus alphabeticus Titularum ab *Abstinentia* usque ad *Xpus*, sub quo: *Finit anno domini. M°. CCC°. VI°. die veneris post passionem apostolorum petri et pauli*, quam notam Librarii habeo. Demum Index ille, de quo supra, hoc initio: *Notandum est, quod libros originalium sanctorum ac doctorum quantum ad principia et fines ac partialium librorum numerum hic signare curauit.* Omiserunt illum Typographi injuria; curiosus enim est ad cognoscendum, quae Scripta illo aevo integra, quae pro genuinis habita fuerint. Ex eo noto: *Dionyso* dicto *Areopagite* quatuor adsignari Commentatores, *Johannem* (Erigenam) *Scotum*, *Johannem* (Gallum) *sarracenum*, *Maximum* (CPolit. Monachum) et *Hugonem* (Victorinum). Item citari *R. Mosis Duce* *dubiorum uel neuerorum*, quod manifeste ignorantia linguae corruptum est e מורה נבוכיַם, atque hinc extitisse antiquam ejus Versionem latinam, quam post Job. *Selenum* arguit doctiss. *Wolfius Bibl. Hebr.* T. I. p. 857. in not.

CCCCXLIV.

Codex membraneus lat. Sec. R. XI. Folior. nunc 134. antiquo vero ad marginem externum notato numero 152. unde 18. Folia e medio deperiisse constat, fol. max. per duas columnas splendide exaratus, literis initiorum picturatis, miniatisque titulis, in ima fol. 2. ora ita inscribitur manu Sec. XVI. *Liber iste congregationis. S. Justine*

XXX